



Universitätsbibliothek Paderborn

**Psevdo-Poenitens Correctvs. Sive Doctrina Ecclesiæ
Catholicæ, & Sanctorum, solemniorūmque Doctorum, De
Vera Poenitentia ...**

Dionysius <aus Werle>

Coloniæ Agrippinæ, 1692

Art. 3. Per majorem eleemosynæ largitate[m] suppleri ac redimi potest & debet pœnitentialis jejunii rigor.

urn:nbn:de:hbz:466:1-41634

ARTICVLVS III.

Per majorem eleemosynæ largitatem suppleri ac redimi potest & debet pænitentialis jejunii rigor.

I. **P**orro; si ille, qui juxta Tertulliani, cap. 2. art. 2. Reg. 7. post medium citati, phrasin, plerumque preces jejuniis alere, ingemiscere, lachrymari, & mugire dies noctesque solet; Vel qui (ut S. Cypr. ibid. cit. loquitur) orare impensiūs & rogare; diem luctu transigere; vigiliis noctes ac fletibus ducere; tempus omne lachrymosis lamentationibus occupare contendit; qui que cū Iudæis, Isa. 58. v. 5. per diem affligere animā suam, & contorquere quasi circulum caput suum; & saccum & cinereum sternere, ac totis diebus nihil omnino nisi panem & aquam gustare consuevit; si, inquam, ille, qui hac omnia præstat, debet insuper iuxta verbum Domini

240 Aieiunio excusatus aut disp.

Dominii Isa. 58. v. 10 effundere esurienti
animam suam, & animam afflictam
replere, ut exaudiatur eius oratio; Cer-
tè tanto unusquisque esse largior debet,
quanto ab eiusmodi ieiuniorum & pre-
cum intensione longius abest. Pro eo,
quod NON POTEST jejunare, in-
quit S. AMBROS. serm. 26. AM-
PLIUS erogare pauperibus debet; ut
peccata, quæ non potest jejunando cu-
rare, possit eleemosynas dando redime-
re. Si possilitas non fuerit jejunandi,
eleemosyna sufficit sine jejunio; jejuniu-
verò sine eleemosyna non sufficit, Et B.
RHABANUS, ex ord. S. Bened. ab añ.
847. ad 856. Archiep. Mogunt. homil. in
D. 2. Quadrages. sed fortè aliquis in cor-
de suo ita dicit: velle quidē jejunare;
sed non possum: velle à carno & vino
abstinener; sed non permittit me infir-
mitas: Nam & in hoc do consilium. Er-
go, si non potes jejunare, eleemosynam
tribue; & QUANTO INFIRMIOR
ES IN VNO, TANTO LARGIOR
SIS IN ALTERO.

II.

II. Immò , si ille , quem jejunare non
permittit infirmitas , tanto amplius ero-
gare pauperibus debet ; quanto amplius
in eosdem is debet effundere , quem à
debito jejunij rigore non infirmitas , sed
sensualitas retrahit ?

III. Notent hæc , qui complurium
peccatorum mortalium sunt Rei , ac per
consequens multò pluribus annis in pane
& aqua jejunare deberent ; & tamen
vel in ipsa communi Quadragesima
(quando mala pæna , quæ non tantum
privatim singulis , sed etiam publicè om-
nibus pro peccatis imminent , unanimi-
ter humiliando & affigendo animas no-
stras , sicque Deum placando antevertere
deberemus) vel dispensationem que-
runt ; vel ita jejunant , ut nihil angustiæ ,
afflictionis aut molestiæ sentiant ; immò
sensualitatē suam sectando quotidie
tam vesperi quam meridiè venialiter
peccantes , agrè admodum carent , ne
præceptum Ecclesiæ mortaliter violent .
Profectò nec per tale jejunium , nec per

L dis-

242 Sit valde largus in pauperes.

dispensationem Prælati, poena peccatis debita aboletur. Et veniet tempus, quando secundum ea, quæ c. 3. num. 6. & sequentibus pertractata sunt, centum & plures annos in pane & aqua ieiunare malles; quam in Purgatorijs poenis, quam compluribus annis tolerare cogeris, vel una duntaxat horam manere.

Notabile est, quod Nicephorus Callistus, hist. Eccles. l. 18. c. 32. refert: Nimirum, Cum [sub JUSTINIANO Magno, ab anno 527. ad 566. Romano-rum Imperatore] fames Bizantii (i. e. Constantinopoli) increbuisse, rerum necessariarum inopiâ; Imperator secundâ statim jejunii hebdomade carnes in foro venales (Patriarchâ dispensante) proponendas promulgavit: Populus autem, qui pietatem sibi constandam statuisset, neque eas edebat, neque emebat; mortem sibi potius adeundam esse censens, quam ut quicquam de patriis moribus & traditionibus mutaret.

IV.

IV. NON CULPATUR INFIR-
MUS JEJUNIUM SOLVENS , A
QUO CIBUM ACCIPIT PAUPER
ESURIENS, *inquit S. LEO Magnus*
serm. 2. de iejunio septimimensis; eoque
ipso satis apertè insinuat, ipsos quoque
infirmos esse culpandos, quando absque
eo, quòd esurientibus effundant animas
suas, *jejunia publicè decreta solvunt: Quia*
nimirum publica pœna mala, quæ una
cum alijs provocarunt, cum alijs quoque
antevertere & redimere non (uti opos-
tet) juvant. *Quanto igitur magis cul-*
pandus est homo sanus, qui non ex verâ
& magnâ necessitate, sed ob exiguae
carnis afflictionem (proper quam tamen
ipsam jejunium est institutum) mox idē
solvit; nisi ab eo cibum, eumque largum,
accipiat pauper esuriens?

Certè, meliorum temporū Christianos
sensisse, quòd statuta Ecclesiae jejunia
etiam ab infirmis per eleemosynas sint
redimenda, patet non tantum ex statim
allegato S. LEONIS textu; sed etiam ex

244 *A jejunio excusatus aut disp.*

ijs, quæ hic §. I. ex S. Ambrosio & B. Rabano sunt allegata; Et Chronicon Magdeburgense manusc. ac per vetustum, ad annum 1012. Cum laudasset Thaginonem Archiep. Magdeodem anno defunctum, quod fuerit justus & timoratus, ac mirat charitatis; largus & fidelis; castus ac mitis; prudens & stabilis; ac in vigiliis supra modum laborans; quia, inquit, ob lassitudinem jejunare non potuit, hoc eleemosynarum multitudine redemit.

Æquissima vero est Regula; ut, qui ieunium peccatis suis conveniens eleemosynis vult redimere, adeo ut Deum sibi ex toto placatum reddat; istantum pauperibus eroget, ut malit iuxta numerum & gravitatem peccatorum suorum ieunare in pane & aquâ, quam plura dare: Quod si non fecerit, poenas sibi restantes, iis, quibus hic sponte suscepitis Altissimus foret contentus, longissime graviores, eodem Altissimo infligente, persolvet.

AR.